

“Masikeng le Masikeng”



SABATHA MANTSIBOEA

Bakeng sa Boithuto ba Beke Ena Bala:

Gen. 3:6; Gen. 6:5, 11; Gen. 6:18; Gen. 9:12–17; Esa. 4:3, Tšen. 12:17.

Teman'a Khopolo:

“Empa Noe a fumana mohau pel'a Jehova” (*Genese 6:8*).

Likokoana-hloko ke lintho tse nyane haholo hore u ka li bona ka leihlo la nama. Kokoana-hloko e le 'ngoe e hlaha sitoa le ho feta motsu oa pentsele feela ka boholo le kamor'a ho holisoa makhetlo a fetang a sekete. Ha e buoe tlas'a maemo a matle bakeng sa kholo, mofuthu o lekaneng, mongobo, le lijo—kokoana-hloko e ka ata ka sekhahla se tšosang. Mohlala, likokoana-hloko tse ling li ata feela ka ho ikarola (simple fission); e le 'ngoe e holileng ho lekana e ikarola likoto tse peli. Haeba boikarolo bona bo etsahala hora le hora, kokoana-hloko ka 'ngoe e ka ikatisa ho etsa tse fetang 18,000,000 tse ncha ka hora tse 24. Qetellong ea lihora tse 48, makholo a libilione li tla be li le teng. Ketsahalo ena e etsahalang e sa bonoe ke leihlo e tšoantša ho ngatafalo ea bokhopo kamor'a ho Oa. Ka neo ea linatla tsa bahlalefi, bophelo bo shahlileng, litšiu tse telele, moloko ona o mahlaha-hlaha oa lahla Molimo 'me oa feba ka matla a oona a hlokoang letšolong la bokhopo ka mefuta eohle ea bona. Ha likokoana-hloko li ka felisoa ke mahlaseli a letsatsi, meriana, kapa mecheso e phahameng, Molimo o ile a khetha ho timetsa bokhelohi bona bo tletse-tletseng ka Moroallo oa metsi o akaretsang lefatše.

Beke ka Bokhutšoanyane: Sebe se entse eng tlholehong ea Molimo? Limelo tse ling tsa Noe e ne e le li fe? Ke lipolelo li fe tse ileng tsa hlahella seleaneng le Noe? Ke ka litsela li fe mohau oa Molimo o senoloang seleaneng le Noe pele ho Moroallo? Selekane seo Molimo o se entseng le Noe kamor'a Moroallo se re ruta eng ka lerato le akaretsang la Molimo ho rona?

**Ihute thuto ea beke ena ho lokisetsa Sabatha sa la 17 'Mesa.*

Tšiea ea Sebe (Gen. 6:5)

Maikutlo a halalelang qetellong ea tlholeho ea Molimo e ne e le hore tsohle “li molemo haholo” (Gen. 1:31). Eaba sebe sea kena, lintho tsa fetoha. Eaba lintho ha li sa le “molemo haholo.” Tlholeho e hlophisehileng ea Molimo e ne e sentsoe ke sebe le litholoana tsa sona tse bosula kaofela. Bokhelohi bo ne bo fihletse maemo a phahameng ka mokhoa o makatsang nakong ea Noe; moloko o ne o metsitsoe ke sebe. Leha Bibeletse e sa re fe lintlha ka botlalo (sheba Ellen G. White, Patriarchs and Prophets, maq. 90–92 ho fumana haholoanyane), liketso tsa bokhobo le bokhelohi ka ho hlaka e ne e lentho e ‘ngoe eo Molimo o lerato le mamello o tsoarelang o sitoang ho iphapanyetsa tsona. Lintho li mpefetse habohlolo kapele ha kaalo joang? Karabo, mohlomong, ha e thata ha kaalo ho fumaneha. Ke batho ba bakae, kajeno, ha ba talima libe tsa bona, ba sa botsang ntho e tšoanang: lintho li mpefetse ha bohloko ka pele ha kaale joang?

Sheba litemana tse katlase. Ngola ntlha eo li fanang ka eona. Ela hloko khatelo pele e tsitsitseng ea sebe:

1. Gen. 3:6 _____

2. Gen. 3:11–13 _____

3. Gen. 4:5 _____

4. Gen. 4:8 _____

5. Gen. 4:19 _____

6. Gen. 4:23 _____

7. Gen. 6:2 _____

8. Gen. 6:5, 11 _____

Genese 6:5 le 11 ha lia itlhahele feela moo ho se nang letho. Ho ne ho na le nalane pele ho moo. Litholoana tsena tse mpe li ne li na le sesosa. Sebe se ile sa hatela pele ka botsitso ho mpefala. Ehlile se na le tloaelo e joalo. Sebe ha se tšoane le ho sehoa kapa leqeba, le nang le tsela eo le hahelletsoeng le lona e tlišang pholo. Ho fapana le moo, sebe, ha se lesitsoe, sea ata, ha se khotsofale ho fihlela se bakile tšenyeho le lefu. Motho ha a hloke ho nahana ka bophelo pele ho Moroallo hore a ka bona tšiea eo e sebetse. Se teng se re potile le joale. Ha ho makatse hore Molimo o hloile sebe; ha ho makatse hore haufi kapa hamorao, sebe se tla felisoa. Molimo o lokileng, o lerato o sitoa ho etsa ho hong ho sele ka sona. Litaba tse molemo, ha ho le joalo, ke hore leha a batla ho felisa sebe, o batla ho pholosa baetsalibe. Ke sona seo selekane se leng sona.

Monna-Moholo Noe (Gen. 6:9)

Har'a litemana tsohle tse buang ka bokhopo ba lefatše la pele ho Moroallo (antediluvian), monna ea bitsoang Noe o ema a fapane le ba mo potileng. Talima temana e kaholimo, o talime lintlha tse tharo tseo ka ho otloloha Bibe le li buang ka eena. Ka hohle kamoo u ka khonang, ngola seo u nahanang e 'ngoe le e 'ngoe ea lintlha tsena ea se bolela:

1. E ne e le “motho ea lokileng”

2. O ne a “se na molato”

3. O ne a “tsamaea le Molimo”

Ha ho potang, Noe e ne e le motho ea neng a na le kamano e pholosang le Morena. E ne e le motho eo Molimo o ka sebetsang le eena, motho ea neng a ka mo mamela, a mo latela, 'me a itšepela ho Eena. Ke ka hona Molimo o ileng oa tseba ho sebelisa Noe ho phethahatsa merero ea Hae le lebaka leo Petrose, Testamenteng e Ncha a 'mitsitseng “moleli oa ho loka” (2 Pet. 2:5).

Bala Genese 6:8. Temana ee e re thusa joang ho utloisisa kamano e mahareng a Noe le Jehova?

Lentsoe mohau le hlaha mona lekhetlo la pele Lengolong 'me ka ho hlaka le na le moelelo o tšoanang le oa moo le hlahang Testamenteng e Ncha, moo mohau, molemo o sa re tšoaneleng oa Molimo, o bonahatsoang ho baetsalibe ba se nang tokelo, le hlalosoang. Ka mokhoa o joalo, re lokela ho utloisisa hore leha Noe a ne a “se na sekoli,” hape “a lokile” hakaalo, e ne ntse e le moetsalibe ea hloakang molemo o sa mo lokelang oa Molimo. Ka tsela eo, Noe ha a fapana le motho o fe kapa o fe ho rona ea le kang ka ho latela Morena ka tieo.

Ho utloisisa hore Noe o n'a hloka mohau oa Molimo, joalo ka rona bohle, talima bophelo ba hau 'me u ipotse potso e latelang, Na ho ka thoe ke tšoana le Noe, ke “lokile,” “ke hloka sekoli,” le hore ke “tsamaea le Molimo”? Ngola mabaka a hau bakeng sa karabo e fe kapa e fe eo u fanang ka eona 'me (haeba u utloa u lokolohile) a arolelane le sehlopha ka Sabatha.

Selekane le Noe

“Empa ke tla hlaba selekane sa ka le uena, ‘me u tla kena arekeng, uena, le bara ba hao, le mosali oa hao, le basali ba bara ba hau hammoho le uena.” (Gen. 6:18).

Temaneng ena e le ‘ngoe re na le lintlha tsa mantlha tsa selekane sa Bibe le seo Molimo o se etsang le batho: Molimo le motho ba kena tumellanong. Bonolo bo joalo. Feela, ho na le lintlha tse ngata tseo ho feta tseo leihlo le li bonang. Ho qala, ho na le ntlha ea kutlo ka lehlakoreng la motho. Molimo o re Noe le lelapa lla hae ba tla kena arekeng. Ba na le karolo eo ba lokelang ho e etsa le bona, ‘me ha ba sa e etse, selekane se robehile. Haeba selekane se robehile, ba lahlehetsoe ka botlalo, hobane qetellong ke bona ba unang molemo oa selekane. Haeba Noe a ile a latola Molimo ‘me a n’ a sa batle ho ikamhanya le sona kapa a ile a re Empa a fetola maikutlo, ba ka be ba hlahetsoe ke eng, eena le lelapa la hae?

Molimo o re ke “selekane sa ka.” Taba eo e re bolella eng ka sebopeho sa mantlha sa selekane seo? Ho ne ho tla ba le phapano e fe kutloisisong ea rona ea selekane haeba Jehova a n’ a se bitsitse “selekane sa rona”?

Ho sa natshe hoe boemo bona bo ikhethile ha kae, re fumana mona kamano ea mantlha ea Molimo le motho selekane. Ka ho hlaba “selekane sa ka” le Noe, mona Molimo o boela a bontša mohau oa Hae. O bontša hore o ikemiselitse ho nka khato ea pele e le hore a tle a pholose batho litholoaneng tsa libe tsa bona. Ka bokhutšoanyane, selekane sena ha sea lokela ho talingoa e le kopano ea balekane moo teng “molekane” ka mong selekane a itšetlehileng ho e mong. Re ne re tla re Molimo o “una molemo” selekane, empa ka tsela e fapaneng hosele le eo batho ba unang ka teng. O una molemo ka hore bao a ba ratang ba tla neoa bophelo bo sa feleng—ha se khotsofalo e nyane bakeng sa Morena (Esa. 53:11). Empa hoo ha se ho bolela hore o una molemo ka tsela eo rona—ba lehlakoreng le amohelang la selekane—re unang molemo. Leka manollo ena: motho o oele seketsoaneng har’a sefelo. Motho e mong ea ka sekepeng o re o tla akhela thapo ea ho pholosa hore a tle a mo hulele kahare. Ea ka metsing, leha ho le joalo, o lokela ho lumellana le lehlakore la hae la “tumellano,” e leg hore, ho tsoara le ho itsoarelletsa ho seo a se fuoeng. Seo, ka litsela tse ngata ke seo selekane se mahareng a Molimo le batho se leng sona.

Manollo eo e u thusa joang ho utloisisa taba ea mohau o teng selekane? E u thusa joang ho utloisisa seo kamano ea hau le Molimo hona joale e hlokanang ho itšetleha ho sona?

Letšoao la Mookoli

“Molimo oa re: Pontšo eo ke le fang eona ea selekane sa ka le lona, le lintho tsohle tse utloang tseo le nang le tsona, ho isa masikeng le masikeng, ke eona ena: ke bea mookoli oa ka marung, ‘me e tla ba pontšo ea selekane sa ka le lefatše’” (Gen. 9:12, 13). Ke liketsahalo tse fokolang tsa tlhaho tse ntle ho feta mookoli. Ke mang ea sa hopoleng khahleho ea hae ea pele ea ha e sa le ngoana ha a bona maseli a hlolang ao a pharalletse marung joalo ka ntho e hohelang sa menyako ea leholimo (kapa joalo ka lebanta la sesoaso – clown)? Le ha se re le batho ba baholo, re ntse re ka hlolloa ke ponahalo ea mebala eo e metle bo hlolang marung. Ha ho makatse hore le kajeno mookoli o sebelisoa e le letšoao la lintho tse ngata: ho tloha mekheng ea lipolotiki ho isa ho mekhatlo ea borapeli ba bohata ho ea ho lihlopha tsa ‘mino oa rock ho ea ho litsi tsa maeto (sheba lentsoe “mookoli” ho marang-rang u tló bone). Hoa hlaka hore mebala e metle eo e ntse e khahla lipelo le likelello tsa rona. Ehlile, e ne e le sona sepheo sa Molimo.

Molimo o ile a re mookoli o tla tšoantša eng? Gen. 9:12–17.

Jehova o itse o tla sebelisa mookoli e le letšoao la “selekane sa ka” (Gen. 9:15). Ho thabisa ha ka kang hore e be o sebelisitse lentsoe selekane mona, hobane, boemong bona, selekane se fapane le hohle moo se sebelisitsoeng libakeng tse ling lisele. Ka ho fapana le selekane le Abrahamana kapa selekane sa Sinai, ha ho na boikarabello bo lebelletsoeng ho ba unang molemo seleaneng sena (le eena Noe). Mantsoe a Molimo, a tobile “lintho tsohle tse utloang tsa nama eohle” (Gen. 9:15) ho “isa masikeng le masikeng” (Gen. 9:12). Mantsoe a Molimo a akaretsa, ho sa natse hore na mang kapa mang o khetha ho utloa Molimo kapa che. Boemong mona taba ea selekane ha ea sebelisoa ka tsela e tšoanang le libakeng tse ling tsohle kahare ho Bible ha ho buuo ka kamano e mahareng a Molimo le batho.

Selekane se se senola mohau oa Molimo ka tsela e fe le sona? Ke mang ea qalileng selekane see? Ke mang eo e leng monga molemo oa mapomelo?

Leha selekane, joalo ka ha se boletsoe mona, se sa tle le maikarabello a ikhethang sebakeng sa rona (karolo ea Molimo, ehlile, ke ho se hlole a timetsa lefatše ka moroallo), ke joang tsebo ea rona ea se tšoantšoang ke mookoli e ka re susumetsang ho phela ka kutlo ho Morena? Ka bokhutšoanyane, na ho na le maikarabello bakeng sa rona a tšoaetsoeng moo ha re lelaletsa mahlo a rona marung ‘me re bona mookoli? Nahana ka moelelo oohle oo mookoli o tllileng ka ona le thuto eo re ka ithutang eona tlalehong eo.

“Ha Sala Noe Feela”

“Tsohle tse phelang tse lefatšeng tsa felisoa, ho qala ka batho ho isa ho liphoofole, le ho lihahabi, le ho linonyana tsa leholimo, tsohle tsa timetsoa lefatšeng, ha sala Noe feela, le tsohle tsee a neng a na le tsona ka arekeng” (Gen. 7:23). Temaneng ena motho o fumana moo ho buuoang ka taba ea “masala” lekhetlo la pele Mangolong. Lentsoe le fetoletsoeng e le “ha sala” le tsoa lentsoeng le leng leo likutu tsa lona li sebelisoang hangata Testamenteng ea Khale moo ho hlalisoang taba ea masala.

“Molimo o nthomile kapele ho lona ho le boloka [bolokela masala] lefatšeng, le ho le pholosa ka pholoso e kholo” (Gen. 45:7; e thathisellelitsoe).

“E mong le e mong ho ba siiloeng Sione, le ba setseng Jerusalema, ba tla bitsoa bahalalelie leng bohle ba ngoliloeng bukeng ea ba phelang Jerusalema” (Esa. 4:3).

“Hape, mohlang oo, Morena o tla boela a otlolle letsoho la hae hape la bobeli ho lopolla masala a sechaba sa hae a siiloeng” (Esa. 11:11).

Maemong ana kaofela, mantsoe a sekamisoeng a hokahane le mantsoe a tšoanang “ha sala” a fumanoang ho Genese 7:23.

Sheba Genese 7:23 le mehlala e meng. U utloisisa taba ea masala joang moo? Ke maemo a fe a neng a renang a tlišitseng taba ea masala? Selekane se amana joang le taba ea masala?

Nakong ea Moroallo, ‘Mopi oa lefatše e ile ea ba Moahloli oa lefatše. Kahlolo ea lefatše lohle e neng e ntse e atamela e ne e tlisa lipotso tsa hore na bophelo bohle lefatšng—le bophelo ba batho—bo tla timetsoa. Ha ho se joalo, ke bo mang ba tla pholoha? Masala e tla ba bo mang? Boemong bona e bile Noe le lelapa la hae. Feela pholoho ea Noe e ne e hokahane le selekane sa Molimo le eena (Gen. 6:18)—selekane se neng se tsoa ho Molimo sa ba sa sebetsoa ke Eena Molimo oa mehauhelo le khauho. Ba pholohile ka lebaka feela la seo Molimo a ba etselitseng sona, ho sa natse hore na tšebeliso ‘moho ea bona e ne e le bohlokoa ha kae. Hore na maikarabello a Noe a selekane e ne e le a fe, hape ho sa natse na o ne a a phetha ka botšepahi ha kae, tšepo ea hae e ne e le feela mohaung oa Molimo.

Re ipapisitse le kutloisiso ea rona liketsahalo tsa matsatsi a bofelo, ho kenyellelitse le nako eo Molimo a tla beng a na le masala (sheba Tšen. 12:17), ke lintho li fe tse tšoanang le e paleng ea Noe e ka re thusang ho itokisetša ho ba karolo ea masala? Re etsa liqeto joang letsatsi le letsatsi tse ka amang moo re tla qetella re eme teng ka nako eo?

Ho Ithuta Haholoanyane:

Bala Ellen G. White, “Moroallo,” maq. 90–104 le “Kamor’a Moroallo,” maq. 105–110, ho *Patriarchs and Prophets*. “Mookoli, ketsahalo e bonahalang ea tlhaho, e ne e le letšoao le lokelang la tšepiso ea Molimo ea ho se hlola a timetsa lefatše ka moroallo hape. Leha maemo a leholimo a tla fapana haholo kamor’a Moroallo, lipula li tla nka sebaka sa phoka libakeng tse ngata tsa lefatše ho ngobetsa lefatše, ho na le se neng se hlokeha ho kokobetsa matsoalo a batho nako le nako ha pula e na. kelello ea moea e ka bona liketshalong tsa tlhaho boitšhenolo ba Molimo (sheba Baroma 1:20). Ka mokhoa o joalo mookoli ke bopaki ho molumeli hore pula e tla tlisa tlhohonolofatso e seng tšenyeho ea lefatše.”—*The SDA Bible Commentary*, pok. 1, leq. 265.

Lipotso tsa Puisano:

1. “Matsatsing ao lefatše la tlokoma, batho ba ngatafala, lefatše la bohla sa poho e hlaha, ‘me molimo o moholo oa tsoosa ke molumo oo. Enlil a utloa molumo oo ‘me a re ho melimo lekhotleng, ‘Morusu oa motho ha o mamellehe ‘me le boroko ha bo sa tla ka lebaka la pherekano (babel) eo.’ Eaba melimo e lumellana ka ho timetsa motho.”—“Pale ea Moroallo” ho *The Epic of Gilgamesh*, trans. N. K. Sanders (London: The Penguin Group, 1972), leq. 108. Bapisa sesosa sena sa Moroallo le se fanoang ke Bibe.
2. Noe o ile a etsa ho fetang feela ho hlokomelisa moloko oa hae ka kahlolo ea Molimo e tlang. Sepheo ea tlhokomeliso ea hae e ne e le ho thusa batho ho hlokomela bohloki ba bona ba pholoho. Hobaneng ha linnete tsa pholoho hangata li sa ratoe? Thatahmisa le ho buisana ka tse ling tsa lintho tse thibelang batho ba bangata ho amohela leano la Molimo bakeng sa pholoho ea bona. Sheba Johanne 3:19; Johanne 7:47, 48; Johanne 12:42, 43; Jakobo 4:4.

Kakaretso: Boithutong bona ba beke ena, re hlokometse hore lilekane tseo Molimo o li entseng le Noe tsa pele tsa ho tlahehoa ka tsela e hlakileng ka Bibeleng. Li bontša thahasello ea hae ea mohau ho lelapa la botho le thahasello ea hae ea ho kena likamanong tse pholosang le bona. Molimo o ile oa tiisa bocha selekane sa Hae le Noe, ‘me ebile boinehelo ba Noe ho Molimo bo mo sirelelitseng bokoenehing bo neng bo rena ‘me ba qetella ba mo phositsa le lelapa la hae kahlolong e timetsang ea Moroallo. “Letšoao lena [mookoli] marung le lokela ho tiisa tumelo ea bohle, ‘me le tiise tšepo ea bona ho Molimo, kahobane e le sesupo sa mohau oa Molimo le molemo oa Hae ho batho; hore leha Molimo o ile oa khopiseha hore o be o timetse lefatše ka Moroallo, mohau oa Hae o ntse u aparetse lefatše.”—Ellen G. White, *The Story of Redemption*, leq. 71.